

S. VIII. 33.

36

MEMORIA BEATA

Philippi Christiani

Marstalleri

Martini Marstalleri Illustris. Prin-
cipis ac Domini, Dn.

PHILIPPI II.

Ducis Pomoranorum, &c.

Consiliarij,

FILII SECUNDI

Celebrata,

Suspirijs & condolentiâ Amicorum.



SEDINI

Typis Rhetianis.

ANNO M. DC. IX.



PHILIPPUS CHri-
stianus Mar-
staller

Nascitur Stetini 15. Iu-
lij Anno 1608. min. 8.
ante 10. vespert.
Baptisatur 17. Iulij.
Denascitur 21. Ian. 1609
paulo post 12. pom.
Sepelitur in Templo
Cathedr. Mariano,
26. Ian. 1609.





AD DN.
MARTINVM MARSTAL-
LERVM VIRVM CLARISSI-
mum, Compatrem honorandum
& Amicum certa fide meum.



Lternat Fortuna vices. bona verba secun-
do (toro;

Dum mihi cantabas nuper, AMICE,
Heu moritur tibi filius alter! ohe fera fata,
Gaudia conspurcant quæ vice tam
subita!

Tàm citò non telum, non navis; avîsve, per auras
Avolat, ut subitas vita habet orbe vices.
Sed quid agas? petijt cœlos pernicibus alis,
Omnis filioli vita vigorq; tui.
Quid? petijt cœlos? si sic: cur ergo gemamus?
Quò semel aufugit non revocare datum est.
Nec revocetur ab usq; polo, colludere fratrem,
Paulò antè ablato fratri, ubi delictum est.

D. Cramerus D.

A 2

D. MAR-

D. MARTINO MARSTALLERO

Viro Clarissimo, Doctissimo, Consultissimo,

ILLUSTRISSIMI PRINCIPIS

AC DVCIS POMERANORVM D.D.PHI.

LIPPI &c. Consiliario, filioli sui obitum lu-
genti, mœstissimo patri, S. D.

Nulla deesse tibi solatia, teq; peritum,
Auguror humanæ sortis, quam mille sequitur
Tædia, quam ditâr luctus, cui mœror & angor,
Irrita vota, breves tractus constanter adharêt!

Perpetuæ lacrymæ, frustranea plura, labores
Ingrati, sobolis, matrum, fratrumq; patrumq;
Funera, multa dolis undantia, multa dolendis,
Hic noster status est, nostriq; stipendia cursus,
Hæc hominum merces, ab avis ea dona nepotes
Excipiunt, & quanta sient fastigia rerum,
Hanc subeunt legem, nihil hîc præclarior ortus
Prævalet, hîc squallent tituli, sublimia vident,
Sceptra cadunt, eadem mundi trepidantur eisdem!
Hæc populis indicta, suum decus acriter armis
Consilio, mirisq; modis firmantibus, urbes
Cernimus æternas habitas cecidisse, nec ipsas
Nomina vim vel opes juvisse, cadavera fas est
Longa Theatrorum, mæstamq; norare ruinam,
Arcibus & castris ipsum accidit, alta CORINTHVS

Nunc

Nunc ubi, vel MEGARA est, quæ florentissima quon-
Utraq; quæ nullis caruit celebrata triumphis, (dam
Jamq; solum sterile est? quàm nunc CARTHAGO filetur,
SPARTAq; & ingenijs quæ jactabantur ATHENÆ?
His quoq; tempus edax senium, senioq; propinquans
Induxit lethum, lethumq; silentia traxit.

Vera tamen quæ sit nostrorum causa malorum;
Cur neq; succedant è votis cuncta, sed ipsi
Vota refragentur votis, ac deniq; præceps
Mors interveniens speciosos terminet auctus;
Quæq; animam capiat sedes, quam certa voluptas!
Id sacra te MARTINE docent monumenta; quid ergo
Ulla deesse tuis lacrymis solatia credam?

Ernestus VVergkman J. U. L.

Fudit X. Kal. Febr:

A D

DN. MARTINUM MARSTALLE-

RUM, Aulæ Stetinenſis Conſiliarium,
obitum filioli paternè lugentem.



*Ol vix septenos peragravit luce ferarum
Anfractus, superum quibus ille interfecat orbem:
Cum tibi feralis dicebat jura Cupressus,
Ducebatq; novis spolijs sibi Morta triumphum.*

*En dum plaga recens, & adhuc in vulnere primo
Nigra domus questu, facies repetita videtur:
Ad Mortem Gnati pater ingemit, imber acerbus*

A 3

Æstuat

*Æstuat in Matris oculis: & condolet omnis
Qui MARSTALLERI faciem sub pectore pensat.
Quid MARTINE gemis? sunt tempora plena tumultu,
Inque genus nostrum jurarunt sidera cladem,
Pestiferam, vacuumq; domum de prole notarunt!
Heu nunc filiulus, patrium qui nomen in annos
Spargeret, in gelidam posuit cata membrula tumbam.
Durum hoc! sed ratio luctus sit certa Magistra,
Imperet adfectu Mens verbo animata sacrato.*

*Cui patrium æthereus juravit Rector amorem,
Sapius antè fores sit conspiciendus apertas
Illius, atque sui qui sunt hos sæpè salutat.
Et nunc ille tuas animo acceleratus amico
MARSTALLERE fores pulsavit; quin tibi charum
Quod fuit, æternas secum transduxit ad ades.
Quid tu? nonne Deo nutu tua dona sequaci
Quæ tamen ille dedit rellinquis? sic facit ille,
Et sequitur faciem, quam præbet amicus amico,
Alter ut alterius maneat memor, optima quæque
Munera donantur certi documenta favoris.
Filiolum DOMINO sancti grave pignus amoris
Donasti, memor ille tui fixoq; favore
Te gerit, & CHRISTI loquitur donatio fratrem.
Hinc quam nunc Gnato requiem monstravit in altis
Sedibus, hanc fvetâ pro dexteritate paravit
Ipse tibi, & cunctis quibus est Mens subleua sursum.
Imperium nunc ergo tuo MARTINE dolori
Præfigas: vivit tuus ille PHILIPPVLVS inter
Angelicos, DOMINVM celebrans sine fine, maniplos.*

Ipsus

*Ipsius non ad te, sed tu gradieris ad illum,
Et nunc quas laudat sedes, laudabimus omnes
Æthereas CHRISTVM qui fide apprendimus unâ.*

*Quin potius mecum querulum sic excute pectus,
Talibus & votis linguamq; animumq; resolve:
Da pater extremæ cum linea rumpitur horæ,
Te prasente mori: divino effundere ovantem,
In complexu animam; nec me vis terreat ulla
Quo subeam CHRISTI benè lotus sanguine Cœlum,
Cœlum quippe bonum, quo non mihi dulcius ullum!*

lubens meritoq; f.

M. David Rentzius.

*Ad Magnificum, Clarissimum &
Doctissimum Virum,*

DN. MARTINUM MARSTAL-
LERUM, Illustrissimi nostri Prin-
cipis ac Domini, Dn.

PHILIPPI II.

*Camerarium & Consiliarium intimum, de inopinato
& prematura filioli sui longè dilectissimi*

PHILIPPI CHRISTIANI
obitu lugentem.

QVem primò dederat, Naturæ hominumque benignus
Genitum Parens, MARTINVLVM, VIR inclyte:
Hunc

Hunc viridi ex horto Lachesis tibi livida demit,
 Heu, longiore sole dignum Flosculum.
 At post octiduum, cladem miseratus acer bami,
 Vitæ Autor, excitat recentem filium.
 Quid fit? tetra iterum rumpit Mors, fila tenella
 Tui PHILIPPI CHRISTIANI pupuli.
 O varias hominum sortes! ô lubrica Vitæ
 Quam vivimus, vicina morti, exordia!
 Quid certi humanis, nisi Mors, cuique obvia, rebus?
 Quid quæso, quàm Vita, est incertius?
 Hoc, Vir Clare, doles; hoc MARSTALLERE frequenti
 Gutturâ tuæ desles domus ob funera.
 Verùm pone modum lachrymis, CAMERARIE: Nostræ
 SORTES, DEI potente sunt in DEXTERA;
 Dextrâ, quæ potis est cœli mutare sub axe,
 Quæcunque nos molesta mœstos opprimunt.

*M. Ioachimus Prætorius, Ecclesiastes &
 Professor Stetinensis.*

EPICEDIUM

In obitum insperatum juxta ac
 luctuosum

PHILIPPI CHRISTIANI
 MARSTALLERI.



Ondita vicino requiescunt ossa PHILIPPI
 Marmore: qui patriæ spes fuit una domus.
 Est MARSTALLERO celebri patre natus, hone-
 Cujus in æternum nominis aura manet. (sta
 Cujus

Cujus & excellens pietas, candorq; fidesq;
 Dux perspecta diu, DIVE PHILIPPE, tibi,
 MARGARIS est illi Genetrix, pia, casta, modesta,
 Nobile foeminei lumen honosq; chori.
 Matris in hoc Nato stetit omnis cura Patrisq; :
 Spes & in hoc seræ posteritatis erat.
 At Natum Lachesis curamq; parentibus illam
 Invidet, & subito spes, velut umbra; cadit.
 Aetatisque suæ cadit hic ineuntis in ipso
 Vere puer, stratus falce rigente necis.
 Illum jam superum sedes æstasque perennis
 Excepit, finis nescia, plena boni.
 Sors puero melior longè nunc contigit: ille
 Ora Potestatis Trina tremenda videt.
 Angelicosque choros inter cætusque beatos,
 Aeternum celebrat voce sonante DEUM.
 EST facilis veris jactura, quod excipit æstas
 Permutans lætis tristitia, damna lucris.
 Hæc, vir clare, levent animum solatia mœstum :
 Mentemque fer placidâ pondera sancta crucis.
 Pondera sancta crucis, nitidi quæ Rector olympi
 Ferre jubet nixu teq; suosq; pari.
 Fide Deo, crebrâ luctum prece vince, metum spe:
 Spes nullo fallit tempore, nixa Deo.
 Ipsemet hanc olim pensabit munere largo
 Jacturam, solitâ pro bonitate, DEVS.
 Et dabit ut vester generet nova pignora lectus:
 Quæ matrem superent indole, mente patrem.

*M. Petrus Cölemannus Pedagogij
 Illustris Conrector.*

Ἐπιόσιχον

In præmaturum obitum

PHILIPPI CHRISTIANI,

Dn. Martini Marstalleri &c. filioli,

21. Jan. Anno 1609. defuncti.

FILIO LVs MARSTALLERI VIX ConspICIt a Vras,
RVrsVs InIt faVItVs Castra sVperna poLI.

*Aliud, Annum, Mensem & Diem
obitus continens.*

TEr septena CaVo JANi LVX fVLsIt In aXe,
Hel! MARSTALLERI FILIVs oCCVbVIt.

Votum.

CHRISTE DEVs VItæ; extInCTà sIt LIte ParentI
PropItIVs: CapVt Vt CresCat, oVetqVe DIV.

Paul Zacharias. S.

A L I V D.



*Ato orimur, morimur; Fatum est Divina voluntas:
Illa senes, Iuvenes, sub sua jura vocat.
Sic moritur gnatus, visâ vix luce, tenellus
MARST ALLERE, tuus, ceu pia FATA volunt.
Commenda CHRISTO natum, qui morte redemit,
Mundo, sentiret ne mala secla, tulit.*

Nam

*Nam Mundo immundo dolor est, vis, Lig, dolusq;
 Impietas, Mors, Sors, Mars quoq; Sceptra tenent.
 Omnibus hisce malis præreptus, cœlica gaudens
 Divini aspectu Numinis astra colit.
 Ergò ne invidas; Præmissus filius, haut est
 Amissus, Cælo quem sibi FATA vocant.*

M. Adam Moëller scabinus Sedin.

Aliud in ejusdem obitum.

Σχέδιον Παρὰ μνηστῆρ.



VOD nulla sola sit calamitas, imò
 Parascevè ad alterum unius mali finis:
 Et vel tuo constat documento id infausto
 Tristiq; lessu, quem facis, VIR, heu! mœste,
 Heu! mœste. NAM trieterida assequutus vix
 MARTINVLVS, denascitur dies multos
 Non antè, GNATVS; Pauculos dies postq;
 PHILIPPVLVS CHRISTIANVLVS tener fœtus
 Luctum quidem primum levat; sed, heu! mox mox
 Geminat dolorem, & vulnus adhuc cicatrice
 Novum novat, brevior termino vivens,
 (O spes brevis, cura ô Parentium longa!)
 Heu! Occidit. VICISSITVDO cunctarum
 Est quanta rerum! Conditio sed hæc vitæ
 Mortalis est, levi fugacior vento:
 Quin & nihil nisi temporarium quoddam
 Est vita diverforium, vapor fumi,

Flatusq; tenuis & simillima est somno.
Est flos Homo! Quisq; viret nunc, mox ut arecat;
Adolescit, ut senescat; utq; descendat,
Ascendit; ut moriatur, vivit; Omnesq;
Dum nascimur, morimur, dum vivimus, semper;
Et pollicetur crastinum sibi NEMO.

HÆC cogita, præclare VIR, tui causâ,
Tuoq;, MARSTALLERE, tempera luctu:
DEVS dedit, DEVS abstulit, PIOS MANES
In otium ex negotio locans! Quis tu
Accende ceras, solve justa: Cras forsan,
Sequemur. Interim refarciat damnum,
Quod passus es, tibi benignior JOVAH,
Cujus benedictum in omne seculum nomen.

Pro testandâ condolentiâ

M. Balth. Setzer Scabin. Stetin.

NÆNIA,

In obitum ejusdem.

à Petro Neomarco, Poëta Coronato Casareo.

Eugum subire flebile
Mortis, necesse est omnibus,
Puellulis venustulis,
Infantulis tenellulis,
Mulierculis edentulis,
Viris & albicantibus,
Et optimis, & pessimis,

Et

Et Maximis, & infimis,
Et Cafari, atq; Regibus,
Et Aulico, atque Principi,
Et Nobili, atque Rustico.
Requirit hoc immobilis,
SANCITA nobis OMNIBUS,
LEX MORTIS, & Proserpinæ,

Jugum subire flebile,
Mortis, necesse est omnibus,
Hac luce, vel die alterâ,
Vel hoc momentō, aut altero,
In Matris ulnis, vel Patris,
In Principum vel ædibus,
In pauperum vel sedibus,
In pontibus, vel fontibus,
In navibus, vel cymbulis,
Requirit hoc immobilis,
SANCITA nobis OMNIBUS,
LEX MORTIS, & Proserpinæ.

Jugum subire flebile,
Mortis, necesse est omnibus,
Ridentibus, plorantibus,
Bibentibus, jocantibus,
Euntibus, sedentibus,
Scribentibus, legentibus,
Dicentibus, tacentibus,
Discentibus, docentibus,
Et singulis momentulis
Et singulis minutulis,
Nitente Phœbo, aut Cynthiâ, Nimbo

Nimbo cadente, turbine
Vel flante, vel Favonio.
Requirat hoc immobilis
SANCITA nobis OMNIBVS,
LEX MORTIS, & Proserpinæ.

MARTINE, Vir Clarissime,
Exemplar ille parvulus,
Nuper fuit MARTINVLVS:
Exemplar at nunc pusio,
CHRISTIANVS est PHILIPPVLVS,
Vtriq; Gnatuli Tui,
Semestris hic, triennis is,
Brevi tibi quos tempore,
Mors abstulit, sed attulit
Ad Coelica ista gaudia,
Ubi est voluptas maxima,
Martinulo & Christjanulo,
CHRISTI dicatis nomini,
CHRISTVM videre numine,
Sic copulatum Flaminis,
Deiq; Patris, (mira res)
Vt una sint essentia.

Quis invideret corculis
Tam sanctulis, pijs, probis,
Pro coelicis his gaudijs,
Totius orbis omnia,
Nempe omnia ista somnia?
MARTINE, Vir Clarissime,
Non invidere noyimus,

Te coelica ista gaudia,
Animabus his dulcissimis.
Cur ergo fluctibus Tuum
Cor luctuum sic æstuat?
Cordis dolorem tempera,
Tantisque curis impera;
Nefas quod est mutarier,
Patientiā convincitur.

THE NODIA

In ejusdem obitum.



*V*ix cessit Fatis Martinus filius, alter
Filius, hei filo mox brevior cadit.
Sic Atropos cumulas cladem atrocissimā clade,
Argus nec largus Martia membra rapis?
Orbis tristitiæ corbis, fanda atq; nefanda,
Ferre catēnatas pergit ad usq; vices:
Monstrum immane, ingens & cui rationis adeptum
Lumen, nec columen, Lumina clara necas.
Militia est Hominis vita, hanc vitare nequivit
Divus Adam, Isacus, Iobq; Iacobus, Amos.
Vi superā plenus Lutherus & arte Philippus,
Semina qui Lucis restituere viri.
Dixit Apollo; malum non celestis norit id unquam,
Stemmatibus ab binos perdere fulcra satos.
Hac ut sit superare grave, atq; onerosus Æthnā,

Cum

Cum patrio aufertur corpore uterq̃, anima.
 Vulnus ut hoc cordis nullus levet arte Machaon :
 Parendum tamen est legibus, addo, DE I.
 Nam Doctrina DE I certis nos vocibus implet,
 Non schola Democrati, non Epicure, tua.
 Non animi nobis stat in hoc perfecta voluptas,
 Omnis ut ex illo possit abesse dolor.
 Ast aequè voluere DEVS, quod Fata, ferendum :
 Nostra etenim in manibus, vitaq̃, morsq̃, DE I est.
 Non operis nostri est, quod in has educimur auras,
 Vita nec invito migrat ab orbe, DE O.
 Iam ceu sylva comis apparet mæsta revulsis,
 Ulmus & abscissâ vite, decore caret :
 Sic Arbor vita, sine quo sumus arida ligna,
 Efficiet, vireat florida palma tibi.
 Dum certum credas, tibi posse & velle ruinam
 Sarcire & viduum proliferare thorum.
 Explorare, suos crucis assolet igne Iehova,
 Quæq̃ facit, justâ cum ratione facit.
 Quando mali nato nihil accidit, obsecro, prestas
 Te virtute virum, ceu pietate patrem.
 Pannonius veluti Martinus, Martius Heros ;
 Sic tu vince : DEVS, sic dabis, Alme, Naim.

Condolentiæ ergò
 exarata ab

Ottone à Rammin., Iun.

ALIUD.

ALIUD.

Sic ergo duplo funere funera
densantur? &, quod flebilior rogas
ne dum restinctus, nō satis? quin
nunc iterum caleat Cupresso.

Semestre fluxit, Melpomene gravi
mœrore quando questibus omnia

complevit, ut Fato PATRONI

Filiolus tener hinc recessit,

Nunc illa rursus cogitur addere
planctus fluentes, istius ad vicem

dum redditus gnatus perinde
ante diem cecidit tenellus.

O Fata? quæ si mentis acumine
censere velles, vel tibi sidera

infesta subsumes, vel ipsum

velle nocere DEUM putabis;

Humana quin mens talibus obstrepat,
quenquam supernâ quando potentia

C

JOVÆ

Jovæ videt tactum, vel una
dummodo clade allaboret;
Sed nil moreris; Codicis intima
PATRONE sacri rectius explicant
omen, velut plus promptiore
ipse met illa tenes cerebro.
Verè fidelis qui regit æthera
Et quæq; præstat sunt bona, subdolè
nec quempiam vires ad ultra
tentat, at his meliora reddit;
Lex interim sed stat rata, quos amat
exercet, adq; ac usq; tepentia
complectitur lamenta; Postq;
propitium reteggit favorem.
Cede ergo JOVÆ, certior omnia
quod ritè vertet, reddere Filium
quin tam citò, dextra valet quàm
plurima de nihilo creare;
Spe stesq; certa, quòd modò Filij
PATRONE cœlis gaudia concinant,
illos

illos vicissim quodq; , Morta
mortua cum fuerit, videbis.

Condolentia ergò

Jacob. Frost.

ALIVD.



*Ajora Patri quò, sibi filium
Videre nasci, gaudia concitat;
Vix editum finire vitam,
Hòc gravior solet esse luctus.
Martine, constat quod tibi rectius,
Doloris ictu nec sine maximo;
Cui Gnatulum Sex ante menses
Abstulit atra Dies tenellum.
Nunc duplicatum flebile idem malum,
Patrone, tectis appropinquat tuis,
Qui cogeris nato recenter
Filiolo exequias parare.
Eheu dolendum! funere præpete
Mersos, Parentem perdere, filios*

Binos, & unos semper, intra
Tàm breve tempus; Et hoc dolendum!
Iustus profectò nam tuus est dolor;
Prestat dolori nec tamen immori;
Sed cuncta solius potenti
Numinis arbitrio referre.
Favore, mensas, illius, agmine
Cingit propago plurima florido;
Hujusq; nutu prole charà
Stat viduat a domus vicissim.
MARTINE Fautor, pone modum tuo
Certum dolori, rebus ut asperis
Infracte, demissum supernè
Mente malum patiare justà.
Has, Numen, almae primitias sue
Sedis, sacratum constituit sibi;
Idemq; compensare prolis
Omnia damna quit. Experibis.

Fridericus Beck, S. P.

ALIUD.

ALIVD.

FAX Ian I pr I Ma Vi VIC enaq Vē ab a Xe re CVrr It,
Chare Philippe t Vls, te Cta SVperna Capls.
Hinc mater mæstæ e st, mæstus genitorq, tuiq,
Omnes hunc abitur corde gemente dolent.
Estnè quod inuideant tibi cælica gaudia, nec te
Fratri Martino tam citò adesse velint?
Non est, (ex tumbâ videor te talia fari)
Huc etiam cupide tendit uterq, parens.
Sed quod disjuncti nobis, hæc una doloris
Est hujus causa, & maxima mæsticia.
Ut verò interea memores fratrisq, meiq,
Sint pater & mater, hæc ad utrumq, fero:
Est ubi crux, ibi lux, hæc lux est ipse J E H O V A,
Luce hac erigitur, sub cruce qui premitur.
Idq, ego jam plenè cælis edoctus, & ipsum
Est mea, sitq, meis non dubitanda fides.
Hisce tacens finem nunc tandem imponere mandao
Mærori gratum quodq, DEO atq, tibi.

Gerhardus Horstius, Bruno-
vicensis.

MAR.



MARTINI MARSTALLERI
Patris mœstissimī ad filium
PHILIPPUM CHRISTIANUM

Προφώνησις.

PArs cordis nostri mediata pusille PHILIPPE,
Sumtum de Christi nomine nomen habens,
Cur properas adeò; terram relinquere matrē,
Ante hanc quam possis calce ferire pedis?

Atqui nulla tibi tulit hæc fastidia parvo,
Hactenus in vitâ sed fuit æqua tibi.

Nam postquam vitæ prodisti natus in auras,
Vagitu poscens lacq; cibumq; puer,

Sex primos menses nullo turbante dolore
Exigis, & flores ceu rosa vere nitens.

Jamq; piam poteras risu cognoscere matrem,
Poscentiq; tuo suavia ferre patri.

O quoties alacri dum vultu parve renides,
Te fore longævum spes mihi facta fuit.

Verùm, cheu, vultus quia nîl puerile ferebat
Ille tuus: visus plus mihi amare polum.

Quam terras; quod nunc eventus comprobat: altum
Dum petis, aligerum te comitante manu.


Nempe

Nempe hoc te insertum Christo baptismatis undis
 Spiritus edocuit sanctus, amare polum.
 Hinc etiam subito morbus dum corripit asper,
 Septa calore gravi tormina ventre ciens,
 Suspiras coelum, coelum gemebundus anhelas
 Terreniq; nihil mox tibi, parve, placet.
 Ergo etiam tua vota magis, quam nostra valere
 Incipiunt: Medici vanaq; cura jacet.
 O fili generoso animo, si fata tulissent,
 Quiveris in terris noster ut esse diu,
 Quam te formassem vera in pietate lubenter,
 Ex scriptis veterum quæ bona vera docens.
 Sed frustra hæc opto: quia jam perfectus in illo es
 Sanguine qui lavit corq; animamq; tuam.
 Esto ergo in coelis foelix; fratri benè junctus
 MARTINO, inq; Dei gaudia carpe sinu.
 Gaudia perpetuis semper stagnantia rivis,
 Gaudia quæ nullum sunt habitura modum,
 Sed tu summe Pater nostri miserere, tuoq;
 Nos iterum miseros, Christe, favore bea.
 Nos tua quæ statuit sacra sanctio Christe feremus,
 Dummodò tu mancas noster in orbe DEVS.

Eteostichon ejusdem.

FILI qVoVergIs:VoCat hInC nVnCChrIstVseVnteM:
 Pergc; pIs, noster ReX qVla ChrIstVs, oVat.

F I N I S.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VII.33

